



**BILIF TERIMA ANUGERAH INTERNATIONAL FINANCE 2021**  
Khamis, 17 Jamadilakhir 1443H bersamaan dengan 20 Januari 2022M

---

1. Brunei Institute of Leadership & Islamic Finance (BILIF) baru-baru ini telah berjaya melakar satu lagi pencapaian utama setelah terpilih untuk menerima Anugerah International Finance 2021 dalam kategori '*Best Emerging Islamic Finance Training Institution - Brunei 2021*'. Acara penganugerahan tersebut telah berlangsung di Jumeirah Emirates Tower Hotel, Dubai, Emiriah Arab Bersatu pada hari Khamis, 17 Jamadilakhir 1443H bersamaan dengan 20 Januari 2022M.
2. Anugerah yang dikendalikan setiap tahun oleh International Finance Magazine, United Kingdom ini merupakan sebuah anugerah berprestij yang memfokuskan bakat-bakat industri, termasuk kemahiran dalam kepimpinan, *net worth* serta keupayaan secara menyeluruh di platform antarabangsa. Calon-calon terdiri daripada industri kewangan, perbankan, pembrokeran, insurans, utiliti dan telekom yang mana sebahagian besarnya adalah daripada Timur Tengah, Asia, Eropah dan Afrika. Pemenang-pemenang dipilih berdasarkan kekuatan permohonan yang telah diserahkan serta pencapaian yang telah diraih dalam bidang masing-masing.
3. Brunei Institute of Leadership & Islamic Finance (BILIF), yang dulu dikenali sebagai Centre For Islamic Banking, Finance And Management (CIBFM) adalah sebuah pusat kecemerlangan bagi industri kewangan di bawah Brunei Darussalam Central Bank (BDCB) yang menawarkan program pembelajaran dan latihan berkualiti tinggi serta menganjurkan seminar *signature* dan acara kolaborasi khususnya dalam bidang kewangan Islam dan kepimpinan. Misi BILIF adalah untuk membentuk pemimpin, pakar dan pemacu inovasi masa depan dalam bidang disebutkan melalui program-program *immersive* dan acara-acara bertaraf antarabangsa.
4. Sejak ditubuhkan pada tahun 2010 hingga Disember 2021, BILIF telah menjalankan lebih dari 550 program dan kursus pembelajaran berkualiti tinggi dan menganjurkan 64 seminar *signature* and acara kolaborasi bagi lebih dari 13,700 peserta. Ini juga termasuk

program-program *Virtual Instructor-Led Training (VILT)* dan acara-acara yang dikendalikan secara dalam talian.

5. Untuk maklumat lebih lanjut mengenai BILIF, orang ramai bolehlah layari laman web BILIF di [BILIF.com.bn](http://BILIF.com.bn), atau akaun Instagram BILIF, [@BILIF.bn](https://www.instagram.com/BILIF.bn).

Tarikh: 17 Jamadilakhir 1443H / 18 Januari 2022M